

**BOSNA I HERCEGOVINA  
FEDERACIJA BOSNE I HERCEGOVINE  
GRAD ZENICA  
Služba za privredu i upravljanje razvojem**

Broj: 06-45-636/21  
Zenica, 28.05.2021. godina

**STRUČNA SLUŽBA GRADSKOG VIJEĆA**

**PREDMET:** Izvještaj o poslovanju Zeničke razvojne Agencije ZEDA d.o.o. Zenica  
za 2020. godinu, dostavlja se

Poštovani,

u skladu sa programom rada Gradskog vijeća dostavljamo Vam Izvještaj o poslovanju  
Zeničke razvojne Agencije ZEDA d.o.o. Zenica za 2020. godinu.

Uz Izvještaj o poslovanju dostavljamo i sljedeće dokumente:

- Izvještaj o radu Zeničke razvojne Agencije ZEDA d.o.o. za 2020. godinu
- Bilans stanja
- Bilans uspjeha
- Izvještaj o radu Nadzornog odbora Zeničke razvojne Agencije ZEDA d.o.o. za 2020. godinu
- Zapisnik sa XXIII sjednice Nadzornog odbora Zeničke razvojne agencije ZEDA d.o.o. Zenica
- Plan rada Zeničke razvojne Agencije ZEDA d.o.o. za 2020. godinu
- Plan rada Zeničke razvojne Agencije ZEDA d.o.o. za 2021. godinu

Sve navedene dokumente dostavljamo i u elektronskoj formi.

Iz Informacije o poslovanju Zeničke razvojne Agencije ZEDA d.o.o. za 2020. godinu  
izdvajamo sljedeće:

Ostvareni ukupan prihod u periodu 01.01.2020. do 31.12.2020. godini, iznosi:  
1.251.033,00 KM, što je u odnosu na isti period prethodne godine, povećanje za 165.603,00  
KM ili 15,3 %. U obračunskom periodu 2020. godine, poslovni prihodi iznose 1.251.033,00  
KM, što je 100% ukupnog prihoda. U odnosu na isti period prethodne godine, ovi prihodi  
imaju povećanje za 200.785,00 KM ili 19,1 %.

Ostvareni ukupni rashodi u obračunskom periodu 2020. godini, iznose: 1.233.424,00  
KM, što je u odnosu na isti period prethodne godine, povećanje za 174.931,00KM ili 16,5 %.

Poslovni rashodi iznose 1.229.351,00 KM, što je 99.7% ukupnih rashoda. U odnosu na isti period prethodne godine, ovi rashodi imaju povećanje za 210.305,00 KM ili 20,6 %.

Ostvarena neto dobit u obračunskom periodu 2020. godine, iznosila je 15.654,00 KM, što je u odnosu na isti period prethodne godine, smanjenje za 8.306,00 KM ili 34,66 %.

Agencija je skoro u potpunosti ostvarila svoje planove, postavljene zadatke i ciljeve u 2020. godini. Odstupanja od zacrtanih ciljeva desila su se prije svega u broju i vrsti planiranih aktivnosti u dijelu organizovanja edukacionih programa, seminara i radionica, te apliciranja sa novim projektima. Razlog ovom su bile potpune ili djelimične obustave ovih aktivnosti uslijed zdravstveno-epidemiološke situacije tokom 2020. godine kako na lokalnom nivou tako i na globalnom nivou.

Agencija je u kontinuitetu pružala usluge prijema novih inkubiraca u prostore Inkubatora i Technoparka Zenica iz kojih je izašlo 11 novih/stasalih firmi i uselilo se novih 12 start-up preduzeća. Uspješno su radili na implementaciji 14 projekata, kreirali 3 nova projekta, inicirali na osnovu zahtjeva zeničkih privrednika prodaju 10 novih parcela za 10 novih investitora, realizovali su uspješno sva ugovorena ispitivanja u okviru Laboratorije LIND uz posebno značajan porast broja usluga u drugoj polovini 2020. godine (90 ispitivanja), uspješno realizovali audit i recertifikaciju Laboratorije. Vrijedi istaći početak implementacije projekta INOVANET koji se finansira sredstvima EU, kroz IPA program prekogranične saradnje Hrvatska-Bosna i Hercegovina-Crna gora, na kojem je Agencija ZEDA vodeći partner.

Agencija je sarađivala sa poduzetnicima zeničke regije, nastavljena je saradnja sa Službom za privredu i upravljanje razvojem u implementaciji postojećih i kreiranju novih projekata koji za cilj imaju unapređenje poslovnog ambijenta. Agencija ZEDA je bila aktivni sudionik i u procesu BFC recertifikacije Grada Zenica koji je uspješno okončan u maju 2021. godine.

Služba za privredu i upravljanje razvojem, na osnovu Izvještaja o radu Zeničke razvojne Agencije ZEDA d.o.o. za 2020. godinu i Izvještaja o radu Nadzornog odbora, konstatuje da je Zenička razvojna Agencija ZEDA d.o.o. u izvještajnom periodu uspješno izvršavala povjerenu funkciju.

Imajući u vidu navedeno, predlažemo usvajanje Izvještaja o radu Zeničke razvojne Agencije ZEDA d.o.o. za 2020. godinu.

S poštovanjem,

DOSTAVLJENO:

1x Naslovu

1x a/a

